

Skráning síðustu ökutækja gerðar (e. *end-of-series vehicles*)

Síðustu ökutæki gerðar eru ökutæki sem eru á lager og hafa ekki fengið fyrstu skráningu áður en nýjar kröfur til ökutækja taka gildi.

Til er undanþáguákvæði í reglugerðum fyrir þessi ökutæki sem ekki uppfylla nýjar kröfur, sem heimila sölu og skráningu á þeim á Íslandi séu þau með evrópska heildargerðarviðurkenningu. Þetta undanþáguákvæði felur í sér bæði takmörkun á fjölda ökutækja og tímalengd.

Bakgrunnur

Í 3 gr., liðar 03.01 (4) reglugerðar um gerð og búnað nr. 822/2004, er fjallað um að skráningu síðustu ökutæki gerðar:

„Þegar nýjar reglur taka gildi hjá Evrópusambandinu getur Samgöngustofa, að fenginni umsókn, ef þörf krefur og það gengur ekki gegn markmiðum reglugerðar þessarar varðandi umhverfis- og umferðaröryggissjónarmið, veitt leyfi til að skrá síðustu ökutæki gerðar í samræmi við 10% reglu B-hluta viðauka XII tilskipunar 2007/46/EB. Ákvæði þetta gildir eingöngu um bifreiðar og eftirvagna.“

Sambærilegt ákvæði er að finna í reglugerð 167/2013/EB um viðurkenningu á og markaðseftirlit með ökutækjum fyrir landbúnað eða skógrækt, og reglugerð 168/2013/EB um viðurkenningu á og markaðseftirlit með vélknúnum ökutækjum á tveimur eða þremur hjólum og fjórhjólum, og hafa báðar þessar reglugerðir verið innleiddar í íslenskt regluverk með tilvísun.

Svona er sótt um

Framleiðandi eða umboðsaðili framleiðanda getur sótt um undanþáguskráningu á síðustu ökutækjum gerðar. Umsóknina skal senda rafrænt á netfangið samgongustofa@samgongustofa.is og skal innihalda eftirfarandi:

- Heiti framleiðanda og gerðarheiti (e. *make and type*) ökutækis/ökutækja sem um ræðir
- Heildarfjöldi ökutækja sem um ræðir ásamt verksmíðjunúmerum þeirra
- Evrópskt heildargerðarviðurkenningarnúmer
- Tilvísun í þær kröfur og reglugerðir sem ökutækið uppfyllir ekki, og skilgreinir ökutækið sem síðasta ökutæki gerðar
- Yfirlit yfir þau ökutæki sömu gerðar frá sama framleiðanda (e. *make and type*) sem hlotið hafa skráningu sl. 12 mánuði.

Tímarammi

Ef ökutækið er framleitt fullgert (e. *complete vehicle*) er undanþágan takmörkuð við 12 mánaða tímabil. Þetta þýðir það, ef umsókn um skráningu ökutækis síðustu gerðar er heimiluð, skal skráning þess fara fram innan 12 mánaða frá því að nýjar reglur taka gildi. Ökutæki sem framleidd eru af fleiri en einum framleiðanda og eru samþykkt þannig (e. *multi-stage approval vehicle / completed vehicles*) skulu skráð innan 18 mánaða frá því að nýjar reglur taka gildi. Þessi tímamörk koma fram í evrópskum reglum og tilskipunum um gerðarviðurkenningar ökutækja.

Takmörkun á fjölda – fólksbílar, bifhjól og dráttarvélar

Fyrir fólksbifreiðar og ökutæki á tveimur- og þremur hjólum, má fjöldi síðustu ökutækja gerðar ekki vera fleiri en 10% af fjölda þeirra ökutækja sömu gerðar sem fengið hafa nýskráningu sl. 12 mánuði. Ef 10% ökutæki sömu gerðar eru færri en 10, má sækja um undanþágu fyrir allt að 10 ökutæki.

Takmörkun á fjölda – hópifreiðar, vörubifreiðar og eftirvagnar

Fyrir önnur ökutæki þá má fjöldi síðustu ökutækja gerðar ekki vera fleiri en 30% af fjölda þeirra ökutækja sömu gerðar sem fengið hafa nýskráningu sl. 12 mánuði. Ef 30% ökutækja sömu gerðar eru færri en 10, má sækja um undanþágu fyrir allt að 10 ökutæki.

Yfirlit

| Ökutækjaflokkur | Tímarammi | Fjöldi ökutækja síðustu gerðar |
|--|------------|--|
| Fólksbifreið (M1), framleitt fullgert á einum stað (e. <i>complete vehicle</i>) | 12 mánuðir | Annað hvort 10% af fjölda þeirra ökutækja sömu gerðar sem fengið hafa nýskráningu sl. 12 mánuði, eða allt að 10 ökutæki, hvort sem er hærra. |
| Fólksbifreið (M1), framleitt á fleiri en einum stað (e. <i>completed vehicle/multi-stage approval</i>) | 18 mánuðir | |
| Hópifreið (M2/M3), vörubifreið (N2/N3) og eftirvagn (O2/O3/O4), framleitt fullgert á einum stað (e. <i>complete vehicle</i>) | 12 mánuðir | Annað hvort 30% af fjölda þeirra ökutækja sömu gerðar sem fengið hafa nýskráningu sl. 12 mánuði, eða allt að 10 ökutæki, hvort sem er hærra. |
| Hópifreið (M2/M3), vörubifreið (N2/N3) og eftirvagn (O2/O3/O4), framleitt á fleiri en einum stað (e. <i>completed vehicle/multi-stage approval</i>) | 18 mánuðir | |
| Bifhjól, framleitt fullgert á einum stað (e. <i>complete vehicle</i>) | 24 mánuðir | Annað hvort 10% af fjölda þeirra ökutækja sömu gerðar sem fengið hafa nýskráningu sl. 24 mánuði, eða allt að 10 ökutæki, hvort sem er hærra. |
| Bifhjól, framleitt á fleiri en einum stað (e. <i>completed vehicle/multi-stage approval</i>) | 30 mánuðir | |
| Dráttarvél, framleitt fullgert á einum stað (e. <i>complete vehicle</i>) | 24 mánuðir | Annað hvort 10% af fjölda þeirra ökutækja sömu gerðar sem fengið hafa nýskráningu sl. 24 mánuði, eða allt að 2 ökutæki, hvort sem er hærra. |
| Dráttarvél, framleitt á fleiri en einum stað (e. <i>completed vehicle/multi-stage approval</i>) | 30 mánuðir | |